



t 0 2 3



大川和尚語錄

全

昭和17.9.1.

763712

大川和尚住慶元府妙勝禪院語錄

門人

元愷

編

師嘉定十年三月入山門云春山疊嶂青春水漾虛

碧大解脫門開把手拽不入喝一喝

據方丈知有底也與麼來不知有底也與麼來拈拄

杖靠在邊云因甚拽去不得

拈帖夜明符無文印正按傍提佛祖之命放過一着

大家知有

拈衣佛授手不及祖相傳不到呈起衣云者箇

擔一肩擔荷去未免玷門風



法座大包虛空細入無間突出當場如何復踐者
陞座拈香此一瓣香恭為祝延

今上皇帝聖躬萬歲萬歲萬歲

次拈香奉為 判府吳撰太卿暨闔郡勳貴增崇祿

筭 又拈香此香契向爐中奉為見住太白名山天

童景德禪寺楊政第七世喇翁大和尚用酬法乳之

恩 就座乃云開作家爐鞴運向上鉗鎚鈍鑊頑銅

扣放一連透指柔金更須敲磕僧問太白峰前道香

果熟郭江 北瑞現曇花四眾臨筵願聞提唱師云

一片月生海幾家人上樓進云此猶是文言如何是

為人一句師云八臂那吒輾繡球進云恁麼則又見

睡虎也師云靈蹤更在猿啼處進云昔日保壽開堂

三聖推出一僧保壽便打此意如何師云腕頭少力

進云三聖道人非但瞎却這僧眼瞎却鎮州一城人

眼去此意如何師云道得不成進云與麼則昔日三

聖今日和尚師云道聽途說乃云諸佛出世世傍若無

人祖師西來欺胡瞞漢一言相契錯認驢鞍橋作阿

爺下頷大用繁興正是業識茫茫無本可據須知向

上一路千聖不傳把住放行隨緣自若有時孤峰頂

止目覩雲霄有時古渡頭邊和泥合水與麼也得不

與麼也得只如三聖道我逢人即出見不為人興
化道我逢人則不出即便為人又作麼生曹谿波
浪如相似無限平人被陸沉叙謝不錄

復舉僧問曹山佛未出世時如何山云曹山不如僧
云出世後如何山云不如曹山師云要識曹山麼一
從復却潘郎後也解人前不識羞

上堂諸佛出世祖師西來遭人怪笑妙勝臨深淵復
薄氷知而故犯誰是怪笑者良久無人知此意念我
隱南泉

上堂十日雨今日晴一則多幸公案明舉似諸人

若是覆盆之下又爭怪得老僧喝一喝

上堂舉僧見翠岩岩云出門見釋迦入門逢彌勒者
僧不肯復見修山主云出門見阿誰入門逢甚麼
其僧便悟師云翠岩勞而無功修山主惠而不費者
僧悟則不無拔舌犁耕有日在

中秋上堂翳盡還明極家鄉萬八千懸崖重撒手古
劍彌縫前

開爐上堂禾山打鼓雪峰輓毬妙勝不打箇般車裏
油雙窮相手兩箇死柴頭擬議則燎却面門且道
妙勝眉毛在麼

上堂舉僧到鶴林敲門林云誰僧云僧林云莫道是僧佛來也不著師云鶴林門牆萬仞甚生次第等閑被者僧彈指一下便乃高懸降旗

四月八上堂淨法界身驢腮馬面本無出沒萬化千變拈拄杖云釋迦老子來也來也會則同證如來淨法身不會則我今灌沐諸如來

上堂眼耳鼻舌身意八萬四千法門晝夜放光動地喝一喝一翳在眼空花亂墜

上堂僧問靈雲道三十年來尋劍客是如何師云瞞他不得進云幾回葉落又抽枝齏荅云是箇甚麼進

云自從一見桃花後又作麼生荅云鼻直眼橫進云直至如今更不疑那裏是他不疑處荅云作賊以虛進云玄沙道諦當甚諦當敢保老兄未徹在諸樂則同歡復舉適來禪客問靈雲見桃花悟道頌云三
十年來尋劍客幾回葉落又抽枝自從一見桃花後
直至如今更不疑玄沙道諦當甚諦當敢保老兄未
徹在乃云一人徹見萬法根源一人提持千聖頂顛
今時箇箇不疑人人未徹又爭與古人相見
上堂舉鹽官云小眾虛空為鼓須彌為椎甚麼人打得
眾無語南泉云我當時若見只向他道王老師不打

者破鼓師云南泉下者一推不妨正當信乎土曠人稀今朝莫有爲衆竭力底麼

上堂知之一字衆禍之門殺人放火活捉生擒不是今日樞要亦非上古典刑與賊過梯了也攻牆割壁何人

上堂舉鼓山晏國師示衆鼓山門下不得咳嗽時有僧咳嗽一聲山云作甚麼僧云傷風山云傷風即得師云國師令行盡大地人云鋒結舌爭奈掩者僧口不得雖然如是要識者僧麼不到烏江不肯休上堂有句無句如藤倚樹截鐵斬釘水不借路樹倒

藤枯西天胡子沒髭鬚踢殺楊歧三脚驢喝一喝謝監收上堂趁晴蓋了屋乘時刈了禾輸納王租了鼓腹唱謳歌洞山和尚云在佛法裏不在世法裏曾經巴峽猿啼處鐵作心肝也斷腸

上堂舉乾峰因僧問十方薄伽梵一路涅槃門未審路頭在甚麼處峰以拄杖面前劃云在者裏僧以此語請益雲門門云扇子跨跳上三十三天築著帝釋鼻孔東海鯉魚打一棒兩似盆傾師云乾峰巧盡拙出雲門物極則返諸人適間從僧堂裏來少刻從僧堂裏去且道路頭在甚麼處依而行之十萬八千

妙勝語錄終

慶元府寶陀觀音禪寺語錄

明人

元愷

編

觀音殿我無巴鼻你證圓通舊創相逢放過不可
陞座拈香祝

聖罷 又拈香云盡大地人都肯諾淵翁和尚未點
頭明明此理難伸雪炙地熏天第二籌

就座云靈山分付正法眼三聖者瞎驢邊滅一千七
百到而今箇箇虛空裏釘樞軒知此事聲前非聲色
後非色聲上鐵牛無你下蒲處釋迦老子未曾說
到上頭圓通大士爭敢正眼觀著天下老和尚又且

如何撞着濟上座到這裏未免弄巧成拙遭人檢點
若也檢點得出未具衲僧眼在檢點不出衲僧眼在
甚麼處其謂寶陀風色惡前頭波浪愈驚又
復舉南泉新入院知事頭首請歸方丈時有僧便問
師居丈室將何指示於人泉云昨夜三更失却半天
明起來失却火師云如鐘在虞扣之則鳴似鏡當臺
物來斯照因甚麼被者僧投得志前失後夢中說夢
今夜忽有人問師居丈室將何指示於人只向他道
新來晚到不知井竈

上堂天晴日頭出雨落皆頭濕寶陀巖上人猶自不

條直道我從聞思修入三摩地者裏是甚麼所在卓
拄杖一下喚回枕上三更夢惹動江南萬斛愁
解夏上堂七月十五日九旬夏已畢不透金剛圈眼
橫鼻直不若栗棘蓬點點肋三十年後忽有人問
極則事作麼生道

上堂古人道若從文殊門入者牆壁瓦礫為汝發機
若從觀音門入者蝦蟇蚯蚓為汝發機若從普賢門
入者不動步而到寶陀者裏第一不得從觀音門入
何故王本無瑕雕文喪德

上堂舉僧問古德如何是鍊錫劍德云塵埋牀下履

風動架頭巾師云古德應機如雷如電無湊泊處無
解會處若約衲僧門下正是鉉力忽有人問寶陀如
何是鎖鑰劍只荅他道一九二九相逢不出手
中秋上堂大火已西流千山爽氣浮秋河鳴一鴈石
杵擣離愁會則萬里八九月一身西北風不會則黃
鶴樓詩無事題取一篇好

十月朝上堂拈拄杖云逢臨濟則撲破腦門遇德山
則敲出骨髓汝等諸人不得妄想各自歸堂向火
上堂冬至前後沙飛石走佛祖潛蹤寸鐵在手寶陀
換水養魚去也黃絹幼婦外孫壅白喝一喝

暫到請上堂舉華嚴經云普眼欲見普賢而不能得
乃至三度入定遍觀三千大千世界亦不見乃白佛
佛云汝但靜三昧起一念便見普眼於是纔起一念
果見普賢乘六牙白象住於空中師云釋天明朗慧
日高輝普眼普賢兩得相見諸首座未起一念游寶
陀早與圓通大士相見了也且道登巨舶涉鯨波時
如何須知遠烟浪別有好思量

上堂橫按拄杖云衲僧威令風颯颯地添一線則西
天義墮減一線則此土爭鋒直饒不減不添也是寒
雞獨立豈拄杖一下

解夏上堂經迦老子在法華會上開佛知見示佛知見悟佛知見入佛知見實施今夏一百二十日內也有四件事飢則喫飯困則打眠健則經行熱則搖扇薦不薦西風一陣來落葉兩三片故舊至上堂舉汾陽示衆汾陽門下有西河金毛獅子當門踞坐來者敲殺有何方便入得汾陽門見得汾陽人師云重壕重塹重寨重營前遮後闌未免脚手齊露爭似寶陀者裏三門大開方丈不鎖來者任來要見便見何故相識滿天下知心能幾人上堂月不過五事不過三便請洗脚上船回頭轉腦

鶴
觸體徧野更向這裏下一針看卓拄杖一下雲龜無卦兆空惹不勞鑽

上堂鶴門流急馬乳旋深綠師頭外是梅岑有人過得不妨三頭六臂因甚麼到者裏寶陀猶隔海在上堂圓通門戶開湛然應一切星羅雲漢低山嶽起空翠風雨雪霜寒人驚雞犬吠正法明如來依然在門外

上堂舉臨際問院主甚麼來主云州中糴黃米來際以拄杖畫一畫云還糴得這箇麼主便喝際便打典座至際舉前話座云院主不會和尚意際云你作麼

生與座便禮拜際亦打師云透得金剛圈一喝分賓
主吞得栗棘蓬禮拜終不錯然捧頭眼正有功者賞
驀拈拄杖云有麼有麼鉢盂裏薦取

上堂舉趙州示衆三十年前南方火爐頭有箇無賓
主話直至而今無人舉著師云趙州年老心孤向今
灰裏東撥西撥若也知得一任更更做夢若也未知
直須更更做夢

上堂世尊三昧迦葉不知迦葉三昧阿難不知圓通
大士三昧善財童子不知善財童子三昧月蓋長老
不知暗鳴叱咤萬人氣索是甚麼人三昧良久果然

不知

解夏上堂九夏無超佛越祖之譚又不將世法塵網
高閑今日解開布袋只據見成公案以拄杖敲花瓶
云將謂吾負汝元來汝負吾

上堂大事未明如喪考妣鈍鳥逆風飛大事已明如
喪考妣打水魚頭痛雖然不因夜來鴈爭見海門秋
上堂舉僧問睦州如何是祖師西來意州云一隊衲
僧來一隊衲僧去師云一隊衲僧來一隊衲僧去打
破睦州關天地無寸土

監收上堂去日炎威重歸時秋半過林間坐磐石不

竟笑呵呵不笑仰山插鐵叉手不笑地藏博飯我由
二勝米料人人有笑他餓死飯籬邊
上堂舉教中道如我按指海印發光汝暫舉心塵勞
先起靈山百萬大衆不會做客勞煩主人以拄杖靠
禪牀云一條拄杖兩人扶

寶陀語錄終

住慶元府岳林大中禪寺語錄

門人

元豐

編

三門大道無路早成途轍解脫無門關隔了也喝一
喝六合風雲隨步發

上堂舉善財童子於毗盧樓閣前曰是解空無相無
願者之所住處彌勒太士彈指出聲樓閣門開命善
財入入已還閉師云者裏見彌勒則易見善財則難
彌勒復彈指云起法性如是師云者裏見善財則易
見彌勒則難或出或入見易見難若不同於睡焉知
被底空

上堂祖師不西來少林有妙訣江南兩浙春寒秋熱
錯佛法遍天下談玄口不開這箇是露柱那箇是香
臺錯直饒薦得分明未免將錯就錯
淨慈偃然和尚出世付衣信衣不傳賊無空手法傳
天下梁生招前且道當時五峰中的者誰干聞不如
一見

上堂舉僧問投子如何是十身調御投子下禪牀立
又問凡聖相去多少投子亦下禪牀立師云家貧未
是貧路貧愁殺人兩度下禪牀立老不以筋力爲能
喝一喝

冬至上堂有物先天地仰之彌高無形本寂寂鑄之
彌堅能爲萬象主瞻之在前不逐四時獨忽焉在後
披毛從此得作佛也由他

新正上堂最初一句開宗明義章第一末後一句二
十五聲秋點長中間一句諸佛出世祖師西來天下
老和尚無啓口處官有定條許民私約卓拄杖一下
謝首座上堂路逢道伴交肩過一生參學事畢古人
向金剛冰際造一條獨木橋直至須夜摩天多少人
向這裏手蹉脚踏只是難瞞當行誰是當行者咄
上堂天上無彌勒地下無彌勒開口重千斤面皮厚

三寸城東老母以手掩面靈龜曳尾拂跡跡生
結夏上堂禁足護生脚跟下乞命底紛紛紆紆克期
取證平地上埋没人千千萬萬併却咽喉唇吻道得
一句岳林墮落後吉地獄不入虎穴爭得虎子
上堂臘極嚴寒凍破泥團不可默會不可形言雞上
樹鴨下水明朝更獻楚王看喝一喝
上堂舉晦堂問僧甚處來僧云南雄州堂云出來作
甚麼僧云尋訪尊宿堂云不如歸鄉好僧云未審和
尚令其歸鄉意旨如何堂云鄉里三錢買一片魚鮓
如手掌大師云寧可碎身如微塵終不瞎箇師僧眼

日晦堂可謂熟處難忘者僧不知小出大遇當時若
解奮拳張意氣出問何處可容伊

解夏上堂三百餘會不博一笑十萬里來伎第三拜
江湖不是無鱗鳳自是他家結網疎岳林一夏以來
東奔西掃未委布袋裏有多少乃抖擻袈裟云囉
解空第一

病起上堂鶯嶺拈花少林得髓病痛一般脉息有異
脉得著目前見鬼脉不著死而不吊所以教中道衆
生病我則病衆生愈我則不病諸人還委麼文殊
提起殺人口淨名抽出活人劍

上堂吾無隱乎爾對面相瞞吾道一以貫之語作兩
概睡美不知山雨過覺來殿閣自生涼

上堂舉玄沙示眾常將諸人安頓向頂額上不敢錯
誤一絲毫許岳林動便熟喝喚差進亦無謂退亦無
路忽然墮坑落壑方知亦不錯誤一絲毫許且道玄
沙底是岳林底是

佛心禪師云日拄香者箇是茶飯茶飯人人少一
分不但長汀特爲安排初非顯異惑眾只恨當年錯
步越王城撞入龍郎山畔寺被伊頭上安頭今日與
伊加大矢上苦道雪屈酬恩直是霄壤

上堂栽田博飯詭計百出插鐵叉手通身荆棘枷棒
場中親不親草裏交親見當人誰是當人放筋忘恩
冬至上堂擊鼓陞堂不談世法冬至月頭賣彼買牛
冬至月尾賣牛買被喚作佛法得麼或平異端斯害
也已

上堂經行及坐臥常在於其中要識其中事長汀江
水東

苦筍供上堂一莖兩莖斜三莖四莖曲鞭影不露頭
角峰嶽討縫尋根轉疎轉遠不以一重去一重東金
滿地以一重去一重白玉堆盤敲定牙關三上三下不

少鹽醃透湯落火不是苦心人不知還有人林不動
草忘忘清癯勁節兒孫在萬壑千巖窮經盡
偃蹇和尚至上堂同條不同條心眼自相照翻覆論
歲寒不覺拍手笑且道笑箇甚麼先師無板齒眉毛
只一莖

墮白上五清明上堂橫拄杖便舉處去已落第二月
更說三年一箇寒食是清明轉見無心沙喝一喝達
摩大師當門齒缺

浴佛上堂一二指天一手指地釋迦老主飯飽三勸
雲南一棒打殺岳林今日澆惡水大家解入三寒裏

上堂舉五祖演和尚道有人向虛空中書得祖師西
來意五字老僧展坐具拜他師云岳林今日向弓弦
上結綯有箇領子綠樹陰濃夏古長樓臺倒影入池
塘水晶簾動微風起蒲架蓋微一院香

道場故舊至上堂舉光嚴童子問維摩從何所來士
云吾從道場來子云道場者何所士云直心是道場
無虛假故乃至諸有所作舉足下足皆是道場師云
淨名探頭太過忘却處所縱懸河辯去道轉遠今日
有人問道場何所向道到江吳地盡隔岸越山多
開神止閣碑上堂彈指樓閣門開彌勒因正打邪從

門入已還開善財因邪打正直得龍吟霧定虎嘯風
生過去說見在說未來說塵說刹說三出一時說正
與麼時就中要覓一句子上碑無有是處喝一喝文
彩已彰

上堂三到投子九上洞山第廝煎餓廝吵蒼山撞破
虛空擊鬘蛇頭指痒長慶玄沙搥是喪身失命底漢
下座巡堂喫茶各各照顧脚下

至節上堂拈拄杖云一陽生盡大地草木萌動拄杖
子不知一線長撥塵刹晝明夜暗拄杖子不覺不知
不覺說說盡藥放過文殊普賢集箇石頭上南嶽直拄

杖下座

鑄鑄上堂銅公塘鐵奉化本色錯鍾爐鑪且不零敲
碎打雷奔火迸河脫規模把住放行難覓鐘鑪一千
五百三知識杓頭香來雪峰弄粥飯氣四十二恒沙
國土一鉢華歸維摩齊後打鐘岳林搥不如此搥却
頂門蓋趙州東院西

退院上堂言碎明月珠始爲家寶願下鉢金丁方是
住山古策風高天寬地闊別別別峰妙轉風雷舌

住嘉興府報恩光孝禪寺語錄

門人

元愷

編

佛殿具正徧知呈起坐具不識者宣張坐具已展不縮爲伊說破

法座高廣正等無欠無餘從上佛祖坐在者裏濟上座裂去破今去也便登座

拈香祝

聖罷問答乃云作麼作麼只許老胡知不許老胡會

四七二二器傳一器水漉漉無一箇真正舉揚累及兒孫盡向鬼門貼卦爭似行古人行不到處用古人

用不到底點開彌勒背後眼睛盡大地人扶離摸壁
突出衲僧向上已鼻盡大地人安家樂業裏有羅籠
不肯住呼喚不回頭底麼天寧拄杖未到折在不謝
復舉黃蘗問百丈從上宗乘如何示人百丈據坐磔
云後代兒孫將何傳授文云我將謂你是箇人便歸
方丈師云皇靈旗下一犯不再

上堂僧問蓮花峰庵主拈拄杖示衆云古人到者裏
因甚麼不肯住是如何答云愁人莫向愁人說進云
蓮花庵主自代云爲他途路不得力畢竟如何答云
說向愁人愁殺人進云庵主又代云柳絮橫擔不顧

人直入千峯萬峯去又作麼生答云腦後見腮莫與
往來師乃云止止不須說我法妙難思含血噴人先
汚其口鐘未鳴鼓未響天寧早喫棒三下了也諸人
若知落處也好喫三十棒

清明上堂乍晴乍雨禁煙天桃花爛熳春風寒靈雲
見利忘義玄沙蔗數甜頭天寧今日向古墓上添新
土去也卓拄杖一下前三後三

上堂舉金牛和尚於僧堂前作舞大笑乃云菩薩子
喫飯來菩薩子喫飯來有僧問長慶古人道菩薩子
喫飯來意旨如何長慶云大似因齋慶讚又問大光

因齋慶讚意告如何太光作舞僧便禮拜太光云見甚麼道理便與麼僧亦作舞太光云若野狐精師云金牛二十年如此捏怪揔道當時在馬祖處得此三昧殊不知神方秘訣父子不傳長慶因齋慶讚也是把火助熱太光作舞畫虎成狸者一隊野狐精未曾夢見金牛和尚在

上堂大道亂縱橫大方無處所火雲燒碧漢薰風滿寰宇眼裏不著金屑百尺竿頭進一步嘿郁山主白日迷路

浴佛上堂我今灌沐諸如來掬水月在手淨智莊嚴

功德聚弄花香滿衣五濁衆生令離垢太底還他肌骨好同證如來淨法身不搽紅粉也風流景日麗天盲人摸地下座大佛殿重宣此義

結夏上堂護生須是殺殺盡始安居成人者少敗人者多會得箇中意鐵船水上浮孟八郎漢又怎麼去相識滿天下知心能幾人

端午上堂正當五月五日午大地無不是藥者拈拄杖者箇在江南爲橘在江北爲枳在天寧寺裏爲無病藥能醫無病人無病人作麼生醫臺三拄杖一下打破毗耶城靠倒維摩詰

上堂舉文殊三處度夏迦葉欲擯出文殊緣近維邊
乃見百二十文殊迦葉盡其神力推不能舉世尊遂問
汝擯那箇文殊迦葉罔然師云去聖時遙人多懈怠
未是差真世尊眼見手把便有許多不唧噥要知者
一火敗關處處元旨明哉股肱良哉
上堂舉雲門因偈問初秋夏末前途忽有人問作麼
生祇對門云退後退後僧云某甲有甚麼過門云還
我九十日飯錢來師云這僧進甲於前絕糧於後撥
道當時不與他本分草料殊不知雲門前箭猶輕後
箭深

淨慈天目和尚至上堂舉黃龍禪師訪法言禪師上
堂擎雲攬霧數如麻點著銅睛眼便花除却黃龍頭
角外其餘盡是赤斑蛇師云善知識者一念普觀無
量劫法昌只具一隻眼只知有當日事不知有今日
事如何是今日事清風生八極老虎出南山
上堂居一切時不起妄念於諸妄心亦不忌滅輕似
鴻毛重似山住妄想境不加了知於無了知不辨真
實担不成團擘不開靈山節外生枝報恩依文解義
諸人還知落處麼自是不歸歸便得五湖風月有誰
爭

佛心禪師忌日拈香白鶴五通賢聖警言警言無定
聞名不如見面見面依然錯認從來與渠水米無交
年年今日鉢盂安柄因甚如此雞不喫穀脫裏有病
開爐上堂地爐無火事在莫嫌遲冷灰豆爆放過則
不可四藤條五火抄三十棒古人都用了且聽天寧
倒行摩竭令卓拄杖一下

上堂毗婆尸佛早留心直至如今不得妙又道妙高
峰頂善財七日不見德雲比丘又道文殊普賢昨夜
起佛見法見貶向二鐵圍山此二段義是同是別有
時輟入洪波裏盡日漫天鼓黑風

上堂西來無意遍天遍地王兔東昇金烏西墜老鼠
齧牀頭貓兒正憨睡莫教動著渠動著便禍事二祖
動著招禍一身天寧今日開眼失利擲拂一下座
歲旦上堂正月初一若說佛法三百六十一日被佛法
縛殺若說世法三百六十一日被世法使殺天寧到者
裏無啓口處却有箇說得卓拄杖一下是佛法耶是
世法耶春來游寺客花落閉門僧

淨慈笑翁和尚至上堂兩不成雙單不成隻四一二
三拈弄不出南山彈指一聲秀水波翻嶽立所以道
我本無心有所希求今此法王不實自然而至一六衆

還知麼有利無利不離行市
上堂風不鳴條雨不破塊老胡忽西來撥亂清立出
直指人心見性成佛不知是何章句南斗七北斗八
臘八上堂一天星斗六家看獨有渠儂見處偏打失
眼睛拈得口至今脚下黑漫漫

上堂舉石梯和尚侍者一日托鉢次梯問云向甚麼
處去者云赴堂齋去石梯云我豈不知你赴堂齋去
我只問你本分事者云若問本分事實是赴堂齋去
梯云不謬爲吾侍者師云侍者平地上輒方木不能
圓轉石梯一向順毛捋養子之緣二俱不了當時若

章句
四
注
解
也

見他道若問本分事實是赴堂齋去只向他道不得
坐人牀榻攪起亂筋管取光前絕後

徑山無準和尚至上堂舉僧問雲門如何是雲門一
曲門云臘月二十五師云太衆只知門迎徑山和尚
不知徑山和尚與雲門大師唱拍相和五音流暢天
寧雖不解音律未免順朱寫字輒舉一頌錦城歌管
日紛紛半入江風半入雲此曲只應天上有人間能
得幾回聞

愷長老出世精嚴引座煖玉已經三日火標珠曾下
九重淵毀珠璣玉無人識十字街頭颺碌碌

解夏二堂禦點東橋亭北古聖伽藍祖佛六衆亡此
者喪去此者亡不去不住觸躐徧野只如今夏一百
二十日還有不通方者麼不勞懸石鏡天曉自雞鳴
報恩誦錄終

慶元府大慈名山教忠報國禪寺語錄

門人

元楷

編

觀音殿十四無畏力三十二應身住住不會作客勞
煩主人

上堂具足凡夫法凡夫不知鐵裹絲團具足聖人法
聖人不會錦包特石達磨九年坐在者裏不敢眨眼
覲者何故識法音懼

上堂山家冬境致何處不光輝大地冰稜合漫六兩
雪飛佛法世法揔被保寧和尚說了也若是衲衣下
事今日只恐無人問良久救得大慈一半

上堂肇法師道天地與我同根萬物與我一體春生
夏長秋凋冬落總是諸人現前三昧杵拄杖一下還
覺腦門重麼

上堂風頭稍硬暖處商量纔到煖處便見瞌睡生逼
鮎魚上竹竿曹谿路上少室峰前也要打草蛇驚何
似大慈巡堂喫茶

上堂今日初一明日初二達磨大師在脚底本盡三
十白小盡二十九又隨流水過他山惡大慈無端將
真珠作瓦礫了

上堂舉藥山問僧甚處來僧云湖南來山云洞庭水

滿也未僧云未滿山云許多時雨水爲甚麼未滿師
云洞庭黑風浩浩白浪滔滔波驚龍迷源失所者
僧道未滿惜乎不知來處若還知得便見藥山功不
浪施

上堂去年貧有錫有地今年貧無地無錫窮則變變
則通風暖鳥聲碎日高花影重

上堂是柱不見柱非柱不見柱是非已去了是非裏
薦取良久射虎不真徒勞沒羽

臘八上堂日擊道存南星北辰四十九年眉元落盡
二千餘載今日重生以手撥開眉云是是少

明惠權長老出世上堂諸佛不出世達磨不西來款
出囚人口佛法遍天下談玄口不開淨地上撒屎直
得白雲堆裏不見白雲之舒卷流水聲中不聞流水
之潺湲千聖不携四方絕唱放行把住頭頭具生殺
之機合水和泥著著有出身之路且道如何是新明
惠出身之路天向東南地傾西北
上堂霏霏梅雨灑危巖五月山房冷似冰莫謂乾坤
乖大信未明心地是炎蒸醯尖醢方鵠白鳥玄寧可
移山不可改性明覺祖師要回天輪轉地軸直待塵
沙太劫

顯慶和尚至上堂舉阿難問迦葉世尊傳金襴外別
傳何物迦葉召阿難阿難應諾迦葉云倒却門前刹
竿著師云者一道真言惜乎大慈不在當時若見彈
指一聲扣齒三下教他難兄難弟再往靈鷲山問佛
上堂祖師開口道不得底句簷前滴滴分明歷歷衲
僧家正是放身命處天台作夏南嶽游山因甚越王
城裏聖箭子不知落處

上堂達磨未來山是山水是水老胡既至僧是僧俗
是俗神光不知時節錯禮三拜太慈時節不知一言
引眾直下座巡堂喫茶去

歲旦上堂一新舊嘉熙淳祐皇天大曆歲在辛丑
莫是東湖爲人處麼平蕪盡處是青山行人更在青
山外

門前七塔堅庵主造石佛諸師奉安云一二三四五
六七古佛不曾過去七六五四三二一妙轉如是法
輪庵主向崖崩石裂處領話三十二相八十種好一
時出醜直得西風陣陣高秋雨番番急塔戶鎮長開
無出亦無入且道毗婆尸佛之前釋迦文佛之後還
有者箇消息麼彈指一下唵毗盧契帝掌訶
大慈語錄終

紹興府蘭亭天章十方禪寺語錄

門人

元愷

編

山門南北山朝對東西有路分一步不相到大地入
無門

佛殿天人師作禮天人師誰是賓誰是主插香云衆
眼難謾

陞座乃云崇山峻嶺茂林脩竹終日提綱神號鬼哭
雖然如是未當宗乘以拂子擊禪牀云後五日看
復舉黃檗示衆鐘樓上念讚牀脚下種菜農者下語
皆不契一日勝首座云猛虎當路坐黃龍乃退葉葉

與勝首座自住積翠庵師云老黃龍領下明珠勝首
座懸空撲碎黃檗山吐霧興雲遍地走南山鼉鼻
謝兩班上堂臨濟建立黃檗宗旨普化克符各出隻
手天章壁倒籬圻東邊底撐者自撐西邊底拄者自
拄雖然不及古人也勝王老師不打者破鼓
出隊上堂爲衆持鉢去七佛舊儀式庵園塔廟間處
處遍敲擊施主一聲慚愧化主當面著賊賊已著了
且道如何拔本太無厭生

浴佛上堂周行七步爲衆竭爲雲門棒頭短藥山杓
柄長還有報恩分麼若言其有恩無重報若言其無

這一杓惡水又向甚麼處著拍禪牀一下

謝懶幹齋上堂碎佛祖玄關瞎入天眼自雲門胡餅
四方絕唱居士香飯七日乃銷雖然如是天章拄杖
子猶未曾動著在

謝書記并講人上堂大呌枯椿鷄鳴古檜不是四六
文章不是西來祖意喚作三乘十二分教得麼得莫
不得麼不得龍蛇易辨衲子難瞞

上堂修禪入定縛殺閻黎入理深譚走殺衲僧趙州
狗子無佛性問不容髮忽然手蹉脚踏虛空釘橛
端午上堂拈拄杖劃云長一劃短千聖入泥入水之

病又劃一劃云短一劃長萬法無根無源之藥藥病
相治彌滿十虛張天師燒錢引鬼李道士勅永書符
上堂一夏過半前四十五日老僧不曾孤負諸人後
四十五日諸人不得孤負老僧把手上高山各自著
精力你若證龜成鼈我便喚鐘作甕你若喚鐘作甕
我便證龜成鼈雖然三十年後要人檢責

上堂舉西堂藏普請次云因果歷然爭奈何爭奈何
有僧出以手托地藏云作甚麼僧云相救相救藏云
者箇師僧猶較些子僧拋下鋤頭便走藏云獅子身
中虫自食獅子肉師云西堂截斷人天路頭打開五

無間獄者僧知時別宜負一具鐵枷直入驢胎馬腹
裏去也不易得只如獅子身中虫自食獅子肉是成
禪他不成禪他具眼者辨取

上堂旱地一聲雷青天撒白雨不是諸佛說底法不
是祖師傳底心不是衲僧參底句日月輪邊氣象高
魚龍穴下蟠根固

上堂起滅不停如珠走盤收時返聽墮在黑山卓王
杖一下擊碎窠窟又劃云截斷路布有理伸不得有
口開不得却較些子要做臨際兒孫直是未在畢竟
如何未在未在

開旦過上堂開門待知識知識不來過有箇來不入
門去不出戶問他洞山麻三斤趙州柏樹子便惡發
叫喫茶去

上堂不參禪不問道豎起鐵脊梁死蛇鑽出草不是
禪不是道雲門子歲僧越山鼎長老

上堂元正啓祚萬物咸新功不浪施吐便下座

上堂行脚曾見人驢馳馬載行脚未曾見人衣錦夜
行若到天章明窓下安排別甌炊香待他知飯是米
飯二十拄杖具向二鐵圍山

上堂說法不應機認是非時語德山棒如雨點臨際

喝似雷奔且道應機不應機毒龍行處草不生鳩羽
落水魚皆死

枯椿和尚臘八示寂遺書至上堂夜半悟明星一時
證寂滅看看四大海無邊香水海須彌山目真隣陀

山放光現瑞東湧西沒枯椿枯椿叢林妖孽

上堂至道無難平地起堆堆嫌揀擇倚天長劒三日
風五日雨三祖大師甚處相見

上堂前無釋迦後無彌勒雖無草地大有生涯拍膝
一下家在蘭亭九曲西

上堂綠暗紅稀古佛心朝朝風雨演宗乘維摩詰言

辭穎脫田庫奴見得分明禪和子說黃道黑一籌不
及於他莫將支道鶴喚作右軍鵝

天章語錄終

住臨安府淨慈報恩光孝禪寺語錄

門人

元愷

編

佛殿悉達脚下七花八裂韶陽棒頭有禮有樂拈起
香云者箇灣三段不同

方丈田園穩密者不可放過無地卓錫者放過不可
拍禪牀一下領領

陞座拈香祝

聖罷就座

問答

乃云六震動四兩華三轉法輪一乘

獨唱好與掀倒禪牀喝散大眾十萬里來九年壁觀
好與掀倒禪牀喝散大眾當時既無其人便見二三

四七各說異端列派分宗滋蔓不已今日新淨慈向
諸佛未生已前祖師未來之日通箇消息卓拄杖一
下天高群象正海闊百川朝

次日 陞座拈香云此香恭爲

徽宗皇帝上香

聖駕乃舉天親問無著人間五百年兜率天爲一晝
夜彌勒於一時中成就五百天子證無生忍未審說
箇甚麼法無著云只說這箇法師云鶴飛千尺雪龍
起一潭水

上堂龍象蹴躡非驢所堪釋迦老子二千年前漏泄

南屏事敗向二鐵圍山了也今日莫有爲這老子出
氣者麼如無和南屏眉鬚墮落

上堂赤竹寸絲一鈎香餌湖波練練釣著鰲頭咄麟
龍不爲瑞草木生光輝

天基聖節上堂殿角一鈴鳴庭前雙檜青是法非思
量分別之所能解臣僧借水獻 龍門上祝

天子壽起立躬身云萬歲萬歲萬萬歲

上堂舉僧問覆船抱石投師師還接不船擊香臺

下僧禮拜船云禮拜即不無如何是其中事僧亦擊
香臺一十船云舌頭不出口師云鐘在虞鏡當臺覆

船不負來機者僧依樣畫葫蘆克由耐耐當時覆船
若道衆須實衆悟須實悟者僧未必死在者裏
浴佛上堂天上天下唯吾獨尊雲門一棒要打他
影子不著遵布衲浴佛水浸剛石外南山當時若見
向他道瞿曇瞿曇未在未在非惟截斷諸祖葛藤免
見兒孫水漉漉地

元宵上堂迦葉首傳龍潭吹滅一燈一燈燈燈不絕
燈影裏行底蹋著秤椎硬似鐵撞著露柱底目前伸
手不見掌奇哉者裏罰油出院他家別甑炊香

上堂南山虎齧太虫鼉鼻蛇頭生角大地六反震動

文殊普賢驚愕諸人還知麼更參三十年

上堂大家相聚喫葷菜也有我田博飯喫洗脚上船
者多淨慈與久拈却炙脂帽去却鶻鼻衫拗折鐵脊
梁佛祖不傳妙直饒與麼猶虧一半展兩手云有者
箇在

因唱衣上堂門外雨滴聲鏡清覲面全提洞庭水未
蒲藥山當機不讓二大老互爲賓主共相酬唱諸人
還知麼一唱兩唱三唱無人過價打與百文和尚卓
拄杖一下

上堂古者道知有佛祖向一事方有說話分只見錐

頭利不見鑿頭方文殊不識寒山普賢不識拾得
手呵呵大笑笑倒五峰蒼壁還知有向上事麼驢年
佛涅槃上堂雪壓雙林樹風號萬籟寒雲曾入滅衲
子眼難瞞莫有道得者麼如無三拜一爐香波旬舞
袖長

開爐上堂鐵蒺藜椎轉弄轉危丹霞燒木佛院主落
鬚眉南山爐添火今日火作者不同歸

上堂以拄杖右邊卓下云陰從者裏極以拄杖左邊
卓下云陽從者裏生陰陽不到處一片好風光達磨
西來殘破一缺直至如今補不得淨慈與麼說也是

巡人犯夜

上堂南山雲北山雨毗盧樓閣豁開門戶花簇簇錦
簇簇彌勒大士傾腸倒腹百城風月目前領話人畜
草芥一時知有不知有毗目仙人執善財手

上堂舉僧問曹山如何是無相道場山云曹山肚不
天師云曹山好語只是答不著人若問南山如何是
無相道場也對道南山肚不大忽有僧出來拍手呵
呵大笑歸衆南山只得一場懨懨

上堂鐘鼓聲喧喧鳥雀開中庭圓通門不鎖眉毛落
又生諸人還收得麼若無今日更拔一莖供養太衆

去也卓拄杖下座

上堂古者道終日忙忙那事無妨却較些子南山道
終日忙忙那事無妨直是未在且道諸訛在甚麼處
未明三八九終是病樓蘆

冬至上堂冬不寒臘後看無人知此意令我憶南泉
阿呵呵丹霞燒木佛院主落鬚眉風頭稍硬煖處商
量明招舌上有龍泉一隊上牢漆棉夢見少室單傳
臘八上堂明星一見悟無生顛落阿鼻業火坑三百
餘番說不出爲他閑事長無明

歲旦上堂僧問鏡清道新年頭有佛法時如何答云

籬根破草鞋進云明教道新年頭無佛法響答云藏
身無路進云只如三世諸佛因甚麼不知有答云尺
短寸長進云狸奴白牯却知有時如何答云雪上加
霜師乃舉僧問鏡清新年頭還有佛法也無清云
有僧云如何是新年頭佛法清云元正啓祚萬物咸
新僧云謝師答話清云老僧今日失利僧又問明教
新年頭還有佛法也無教云無僧云年年是好年日
日是好日因甚麼却無教云張公喫酒李公醉僧云
老老大大龍頭蛇尾教云老僧今日失利師云鏡清
道得八成明教過猶不及忽有人問新年頭還有佛

法也無對他道雨後有人耕綠野月明無大咲花
達磨祖師忌拈香壁觀婆羅門家業大天下傳遠枝
派分寸土不存也焚香作忌齋普請禮三拜大衆還
甘麼若也不甘兒孫猶在

上堂大事因緣出世單傳心印西來積弊不可頓除
雖是德山臨濟一喝大地震驚一棒須彌粉碎也打
併未辦或有久問南山如何只對道除却華山陳處
士誰人不帶是非行

相看上堂古佛堂前三頭六臂祖師門下道絕人荒
衲僧者裏銀山鐵壁慧日峰頂春風和氣湖湘閩蜀

來明認下安排江浙淮甸至別說炊香終不與麼來
時如何三十棒南山自與不干閑惹事

謝秉拂幹齋上堂古人有三訣喫茶珍重歇淚出痛
腸南山亦有三句一句勘驗天下衲僧一句被天下
衲僧勘破一句今古未嘗聞恁被兩堂首座覷破一
一討露了也諸人還知麼知不知南泉斬貓兒

住臨安府景德靈隱禪寺語錄

門人

元愷

編

據室驗人眼截流機拍禪牀云德山臨際伏惟
捧勅黃云黃封寶印九重城裏彩鳳啼來因其得恁
麼奇特靈山什囑靈山事總在裏許
陞座拈香祝

聖罷就座乃云道不屬知不屬不知知是妄覺不知
無記無記妄覺雪刃橫揮四方絕唱誰敢嬰鋒三世
諸佛豎毛呵手六代祖師搔首頓足如斯舉唱未當
宗乘據令提綱祝一人壽戶戶日月有光天不老山

川長暖地無秋

上堂橫按拄杖云過去諸如來已用而不識見在諸菩薩今用而不知未來修學人當用而不會直得如龍得水似虎靠山若恁麼會未免喚鐘作甕不與麼會拄杖子斷斷是拄杖子

涅槃上堂前佛後佛無生不滅紫磨金色身衲僧眼中屑拈却屑瞿曇瞿曇地闊天寬四雙八隻

上堂舉梁山因真園頭問家賊難防時如何山云識破不爲冤真云識破後如何山云賊向無生國裏真云莫是他安身立命歟山云死水不藏龍真云如何

是活水龍山云興波不作浪真云忽然傾湫倒嶽時如何山下座扭住云不得濕却老僧袈裟角師云這僧赤身挨白刃未是作家梁山慈悲入草不能截斷葛藤今日忽有人問家賊難防時如何向他道識破不爲冤識破後如何貶向大圓覺海莫便是他安身立命處麼劈面便打何故祖令不全提

中夏上堂九夏已過半無尾巴胡獃子七顛八倒心徑苦生白尺竿頭踏破虛空一竅雷闌闌雨冥冥東西不辨南北不分拍禪牀一下十聖三賢望塵啓舌索麪上堂萬仞崖頭拶出見回羅籠不住絲來線云

工夫打鐵不矢敗關那裏是化敗關處叢林鼎沸呬
汗同罪

上堂舉藥山久不上堂寺主白云大眾久思和尚示
誨山云打鐘著衆纔集藥山便歸方丈寺主隨後白
云和尚許爲衆說法因甚一言不措山云經有經師
論有論師爭怪得老僧師云揔道藥山爲衆竭力法
堂前草深一丈及乎衆集便歸方丈依然錯下注脚
還有人識藥山麼如無且歸林下去更待月明時
謝首座藏主上堂堂中首座人天眼漢詰胡言大藏
經七百衲僧吞佛祖靈山樂得做閑人且道無文印

子畢竟是甚麼人提前日厨司飯紅昨夜前山虎叫
淳祐十一春 天使捧
覺皇寶殿御書至望

闕謝 恩祝香云根蟠劫外葉茂寰中香風普被於
華夷瑞靄長凝於殿宇臣僧普濟仰聖明如日如月
祝春筭同地同天 挿香萬歲萬歲萬萬歲

上御書殿額云覺皇垂迹在金輪寶殿巍巍表至尊
宸翰親從天上降爛然金碧耀乾坤龍翔鳳舞玉轉
珠回一處最是希奇八法如何定當著頌不知何背
鍾繇難辨兒直饒冷衲衲到此也教罵措當陽

揭示闔_門咸知纔入門來向_上薦取其或未然但看
奎畫橫陳處便是瞻

天望聖時

上堂大道無門_十方有路無門不可不_又有路不可
不到阿呵呵不參禪不說教飽飯熟睡游談三毒
無明浩浩北山免得按牛頭喫草

浴佛上堂雲門大師一棒靈山三沐三薰以拂子作
習勢這一杓洗他指天指地唯吾獨尊之妄誕以拂
子作習勢這一杓洗他四十九年無對口業之重罪
又舉拂子這一杓不可輕舉少間詣大佛殿一時潑

撒何故恩無重報

上堂青蘿黃緣直上寒松之頂白雲澹泞出沒太虛
之中拈拄杖國師來也來也卓一下路從平處險人
向靜中忙

上堂舉古德一夏以來並不爲兄弟說話師云空劫
已前千聖覲不破有僧自嘆云只麼空過不敢望和
尚說佛法得聞正因二字亦得師云無病著艾不是
好心古德問云聞黎莫誓速若論正因一字也無乃
扣齒云適來不合怎麼道師云王本無瑕雕文喪德
隣壁有老宿問云好一金鼓破兩顆鼠糞汚却師云

三粒也有三古德各出隻手發揚空劫已前事甚善
甚美爭奈衲僧門下認未有出身之路

上堂三八念誦勞動大眾五日陞堂說短論長打鼓
入室逼狗透牆啞六却白鼈捉得黃能燈籠露柱笑
哈哈

上堂東去西去南來北來殘羹餽飯門外安排喫則
從君喫不喫任東西更覓一單挂搭靈山罪不重科
上堂九十日春多雨少晴苔痕上增綠草色入簾青
若作境會眼病見空花不作境會團團無縫罅達磨
西來覩不被何況藏天下於天下

病起上堂拈拄杖云靈隱拄杖子久病諸藥性明脉
又能醫能醫諸佛出世病祖師西來病衲僧行脚病
忽有久出來道靈隱何不自醫攬下拄杖因汝致得
上堂深山窮谷蛇虎縱橫平田淺草鴉鳴鵲噪紅塵
鬧市裏賣糍底賣糍賣菜底賣菜大眾啞幾乎錯下
名言

歲旦上堂萬法歸一一歸何處卓拄杖一下便下座
天基節上堂止止不須說我法妙難思天之高地之
厚海之闊山之遙以此難思之法祝
聖人地父天長

初八日示寂時告衆遺囑撒骨說偈云地水火風先
佛記冷灰堆裏無舍利掃向長江白浪中千古萬古
第一義

靈隱語錄終

小參

結夏金剛王寶劔一揮盡十方三世冰消瓦解何處
是圓覺伽藍喚甚麼作平等性智甚麼人禁足安居
忽有箇眼不挂戶意不停玄底出來禮三拜依位而
立只向道前車既覆後車改轍甚麼時節不識好惡
雖然若是鳳凰兒不向那邊討
解夏心徑若生坐_ハ迷_ハ鬼必死之地燈影裏行朝打
三千暮打八百棒折也_ハ未_ハ放在撲落萬仞懸崖罔然
不知所以可謂太力量人成就太力量事然後入佛
界入魔界寸鐵在手空有爲空無爲血濺梵天如斯

不啣啍還我九十日飯錢忽有箇背却法堂著草鞋
橫擔拄杖出門去只向他道將謂此衆無人證明
結夏德山小參不答語風從虎雲從龍趙州小參答
話去松不直棘不曲機先著眼未是俊流句外明宗
不離共住所以高者抑之下者舉之不足者與之在
孤峰者令入荒草入荒草者令處孤峰與麼與麼未
稱初僧不住圓覺伽藍不守三期禁制坐邪見林行
於非道猶是衲僧墻下漢畢竟如何萬古碧潭空界
月再三撈撓始應知

解夏問也得不得問也得問與不問於道總無交涉

句子該天括地三世諸佛不知一句子密不通風六
代祖師因措衲僧一句子衲僧不會全體如是去全
體如是住如是去谿月雖同雲山各異如是住暗穿
玉線密度金針不去不住平地上浪激千尋虛空中
雷奔火迸鵝護雪蠟人冰又向甚處著且道今夜與
甚麼人同自恣座中盡是仙陀客何必文殊下一推
解夏秦望山高二石密而去夏家湖闊滔滔誰敢截流
寸絲不挂底赤肉尚存萬里無雲時青天猶在所以
道百尺竿頭坐底人雖然得入未爲真百尺竿頭進
一步十方刹土現全身誰管蠟人冰不冰自恣不自

窓天台南嶽拄杖子一任踈跳忽有一箇拗折拄杖
高挂鉢囊越不去喚不回許他是箇擔板衲子雖然
天章未曾說阿字法門在

冬至大道只在目前要且目前難覩欲識大道真體
住住人人一坐具地四至分明陰陽造化不及三世
諸佛仰之彌高六代祖師鑽之彌堅天下老和尚瞻
之在前忽焉在後於茲示一機示一境點透龍門箭
穿鷹穴敲入師子機不容瞬於衲僧門下是陳年曆
日不勞拈出淨慈已展不縮應箇時節卓拄杖一下
冬不寒臘後看

除夜拈拄杖云過去諸如來已用見在諸菩薩今用
未來修學人當用淨慈提不用隨家豐儉與大眾分
歲始欲言露地白牛唱村田樂古八殘羹飯臘雪
連宵白春風逼戶寒又是十方常住物今夜實家主
家各出一隻手應箇時節竖起春梁生鐵樹敲定牙
關佛不做雷峰塔忽然點頭三十棒不可放過與麼
分歲笑我者多哂我者少

除夜鳴爆竹送殘年東村王老夜燒錢南山短拙無
施設借婆裙子拜婆年
至節冬至前後沙飛石走三世諸佛不知有狸奴白

牯却知有兩刃倚天長劍一團邪鐵鑊就四七二三
不敢正眼觀著當權尊宿以此爐鞴諸方衲子靈隱
即不然把定則乾坤失色放行則萬象騰輝且道把
住好放行好卓拄杖一下一百單五是寒食四十五
日又逢春

結夏以大圓覺爲我加藍天寬地闊馬廐牛欄身心
安居平等性智五陰界入一念萬年墮在毒海北山
今日七百比丘同此結夏也無臘人爲驗也無長期
短期畢竟如何毒龍行處草不生鴉鳥落毛魚皆死
小叅終

舉古

十七

五洩到石頭便問一言相契即住不契即去頭據坐
洩便行頭召闍黎洩回首頭云從生至死只是這箇
回頭轉腦作甚麼洩於言下大悟拗折拄杖

師云石頭據坐五洩便行不妨氣吞佛祖眼蓋
乾坤末後一喚便回翻成不唧溜且道那裏是
他不唧溜處

轉疑無路豁斜別有村
懶瓚道世事悠悠不如山丘卧藤蘿下塊石枕頭雪
竇云者般漢有甚用處喚起了打

師云雪竇與李子向赤邊數實陀若見問他曾

見誰來待他擬開口只向道打頭不遇作家到底翻成骨董

陸亘大夫問南泉弟子家中一片石有時坐有時臥擬鑄作佛得麼泉云得陸云莫不得麼泉云不得

師云陸亘大夫一代洪儒負一片石到南泉王老師雖好手鑄鑿不下至今無頓放處彈指一下一里兩里行三回四回歇

趙州行脚到一鄉院經旬臨去乃別院主主云何往州云臺山禮文殊去主云某甲有頌相送無處青山不道場何須策杖禮清涼雲云縱有金毛現正眼觀

來非吉祥州云如何是正眼主無語

師云平地喫交忽有人問院主平地喫交耶趙州平地喫交耶只向他道古佛過去久矣

睦州問僧甚處來僧云河北睦州云河北有箇趙州和尚上座曾到彼處麼僧云某甲近離彼中州云趙州有何言句示徒僧舉與茶話睦州云慚愧却問僧趙州意作麼生僧云只是一期方便睦州云苦哉趙州被你將一杓屎潑了也便打

師云者僧既不從趙州來睦州推勘甚麼當時若是寶陀待他睦州道慚愧只向他道低聲低

聲睦州轉得頭來片帆已過河北

昔有僧在經堂長坐藏主云何不看經僧云不識字
主云何不問人僧勸躬叉手而立云者箇是甚麼字
主無語

師云這僧叉手以字不成藏主無語八字不是
盡西天梵語此土唐言是箇切脚岳林與麼解
注節文何在

雲門云釋迦老子與天帝釋在中庭相爭佛法正鬧
大慧云者老漢好與三十棒且道過在甚麼處誣人
之罪以罪加之

師云大慧和尚與麼說話也是徐六擔板殊不
知雲門大師正是普州人送賊

麻谷到章敬作禮繞禪牀三匝振錫而立章敬云是
是又到南泉亦如是問泉云不是不是谷云章敬道
是和尚因甚道不是泉云章敬是是汝不是此是風
力所轉終成敗壞

師云定龍蛇貴要眼正決生死直到無疑二大
老不妨諦當一是一不是麻谷小出大遇因甚
麼南泉道此是風力所轉終成敗壞前箭猶輕
後箭深

雪峰領衆到浮江欲寄二百僧就此過夏還著得麼
浮江以拄杖劃一劃云著不得即道雪峰便休去

師云問得孤危蒼亦深險水到渠成風行草偃
古佛堂前無可不可若約衲僧問下正是扶籬
摸壁

外道問世尊昨日說何法佛云說定法外道云今日
說何法佛云說不定法外道云昨日說定法今日因
何說不定法佛云昨日定今日不定

師云世尊如大白輪昇於虛空四天下無所不
照昨日說定法今日說不定法還是非得麼

德山小參不答話問話者三十棒時有一僧出禮拜
山便打僧云某甲話也未問因甚麼便打山云你甚
處人僧云新羅人山云未跨船舷好與三十棒

師云德山門庭孤峻行佛祖不行之令誰敢嬰
鋒者僧不顧危亡直前扣關擊節入其間與雪
竇因甚麼喚作撞著露柱底瞎漢

梁山和尚示衆南來者三十棒北來者三十棒雖然
如是未當宗乘

師云梁山一期振領提綱風颯颯地爭奈落草
不知且那裏是梁山落草處

無著上二五臺禮文殊路上逢一老人著問莫是文殊
麼老人云豈有二文殊耶著作禮老人不見

師云深山無入水流花開文殊隱身無路無著
無處藏身且道二大老還有相見分麼龍蛇易
辨衲子難瞞

鴻山摘茶次謂仰山云終日只聞子聲不見子形仰
山撼茶樹鴻云子只得其用不得其體仰云未審和
尚如何鴻山良久仰云和尚只得其體不得其用
云放子三十棒

師云仰山撼茶樹只得其用鴻山良久只得其

五王殿上

體互相印證玷辱門風當時若是父爲子隱子
爲父隱子孫不致斷絕

教中道於一切時不起妄念於諸妄心亦不息滅
妄想境不加了知於無了知不辨真實

師拈云就船買得魚偏美踞雪沽來酒倍香

鄧隱峰在襄州破威儀堂著襯衣砧椎邊立舉椎云
道得則不打一衆嘿然乃打一下

師拈云贏得八百自損三千

僧問永明潛禪師至理無言假言詮而顯道如何是
顯道底言潛云切忌揀擇僧云如何是不揀擇潛云

元帥太王太保令公

師拈云貴買賤賣

舉古終

頌古

十一首

分皮分髓

一片爺爺古花基又逢寒食拜標時蒲前骨肉俱
蔭一箇無聊乞養兒

三聖道逢人則出出則不為人興化道
逢人則不出出則便為人

肩擔口吐曉夜撐船道路各別養家一般

瑞巖喚主人翁

青龜本是家中物時復拈來抖擻看貴要傍人知下
落不知下落被人謾

明招風頭稍硬煖處商量

風頭策起羅生網更向無風煖處張兩度勞心又勞力更無寧處敢呈祥

道也者不可須臾離也可離非道也

睡濃天曉弗梳頭洗面無湯也即休太底還他肌膚好不搽紅粉也風流

文殊問維摩疾

示疾毗耶問訊疎知音惟有老文殊問來答去眠漆一病翻成兩病夫

僧問香林如何是衲衣下事林云臘

火燒山

臘月火燒山胡僧入漢關一頭卷螺髮兩耳帶金

洞山與菓子話

奴見婢慙懃督喜督然嗔瀟湘圖上看分外好精神

陸直大夫問南泉師姓甚麼泉云姓王

陸云還有眷屬麼泉云四臣不昧陸云

王居何位泉云玉殿苔生陸云玉殿苔

生時如何泉云不居正位

金鴨香消更漏長沉沉玉殿紫苔生高空有月千門

照大道無又獨自行

盤山道光境俱忘復是何物洞山道光境未忘復是何物

光境俱忘與未忘殺人利劍活人鎗太平時節渾無用夜夜神光射斗旁

保壽開堂三聖推出一僧保壽便打三聖云與麼爲又非但瞎却者僧眼瞎却鎮州一城人眼去在保壽擲下拄杖便歸方丈

雷電喧轟海岱昏怒濤翻覆拍天門錦鱗不會垂去空向挑花浪裏奔

卷

贊佛祖

出山相

龍章鳳質出王宮肘露衣穿下雪峰智願必空界不知諸有幾時空

觀音大士

空如來藏立大圓鏡水落石出月明雲淨瞻之仰之群機普應

金剛經書大士像

大士應身三十二一身三十二重非金剛正體是非外鵲噪鴉鳴無了時

卷上

卷上

馬郎婦

有願必從無利不現鬚亂釵橫金沙灘畔稽首皈依
漏卮難滿

善財

福城東際錯商量誤入烟蘿白鳥鄉水遠山長無限
意到頭難寫此愁腸

維摩

指桃罵李敗種發機詞窮理盡一嘿橫施大地
皆震吼七佛之師慙懣歸

布袋

南無阿逸多忙忙走寰宇等箇人未至放下寬
來也來也噓泰嶽何曾乏主

九十七大人之相百千億微塵數身兜率長汀
識抖擻精神一欠伸

達磨大師

的的西天末法僧來分此土最初燃神光冷地一吹
滅葱嶺忙忙只暗登

五天竺國東震旦土傳佛心宗無本可據無本據一
葦橫超大江東去

五祖

萬本松杉山山栽遍，賜下鑲頭，再呈舊面雙峰峨峨。
翠揮天天下，人見渠不見。

六祖

應無所住，白日迷路失脚，黃梅道傳千古，不是風動，
非幡動，會也。蚍蜉撼鐵柱。

五祖送六祖渡江圖

有傳有受，恩成怨無，受無傳，怨似恩。船到岸頭，恩怨
絕，遍天遍地一兒孫。

懶瓚

垂頤寒涕滿頭，霜黃獨煖來別，有香三詔入雲。

起兒孫各自立封疆

楊岐祖師

三脚驢子弄蹄行，金毛師子大哮吼，五峰峭峻磨
空，千古萬古揚家醜。

夾山見船子

毒手一撓難，驢避點頭不見問津人，烟波浩渺無窮
恨，父子雖親未是親。

馬祖接石鞮

三千年不少鹽醬，一簇群狐中的時，大地山河諸草
木，至今盡發蒼龍機。

鳥窠

道高德高名愈高問佛法而吹布毛不是尋常閑吟
啄飛出鳳兒空鵲巢

諾訕羅尊者

石壁攙空起銀河一冰懸貪觀無斷續來去不知原
四睡

離了峨嵋別五臺倒騎白額下天台松間石上夢中
夢喚得閑立太守回

寒山

採樵沿嶺去提水傍谿歸箇般無出語七佛不

佛心禪師頂相

保福朋長老請贊

千聖頭邊殃禍作春風和氣滿叢林隨其機
之任其器下者下之一處不通回天轉地活天下
衲僧死大地活衲子是謂父不傳子不記之妙如保
福千聖頭邊殃禍者鮮矣

石佛清長老請贊

東山之源東澗之淵截流之機驗人之眼揚清激濁
地覆天翻六代祖師豎毛呵手三生大像頓足擎拳
彼又何須指南吳越令行而後有傳

圓覺禪空覺講主真贊

頭鬚鬢眼垂角得夫台之奧旨繼永嘉之先覺執文字見離文字縛說大義則四座風生微異解則百川潮落昭昭乎教苑之祥麟昂昂乎雞群之野鶴雖正席四處不足暢其設施然分座五山亦不負其所學是爲唐智九世之孫嘯巖一枝不致寂寞者矣

又贊

眼裏有筋舌頭無骨卓然特立天台祖室寫而四方絕唱離文字相而諸天雨花扣其關絃絃而退席得其旨者崢嶸嶸嶸而莫及且不

悲寶帳破塵白拂而當家傳自有鸞膠續斷

隨龍都知王提舉喜容

幅巾懶衣風生步武叩竹杖頭高懸玉塵奉

至尊則雲從龍勘衲僧如出林虎夫是之謂吾教

外護皇家之內輔也

悅堂穆知閣寫師頂相請贊

春水滿四澤夏雲多奇峰秋月揚明輝冬嶺秀孤松難描邈絕知音悅堂不是閑相識贊不欣兮罵不嗔

覺如周居士圓相

一片虛凝絕謂情眼橫鼻直強畫形不如不覺金聲

色罵得毗耶老淨名

自贊

出林虎方怒橫岡蟒正噴世無途路客終是不傷人
福州長谿樂山王居士遣兒惟惺投師
雜髮寫師頂相請贊

聞名不如見面見面不如聞名兩重虛假一對眼睛
不近人情處是句也刻非句也刻一味白盲時逼
透牆證龜成鼈如斯杜撰豈堪人師誰知千里
句却有樂山居士知
瘦骨稜層一擔夫幾年寥落在江湖面皮擦

識有甚閑名上祖圖

跋通庵居士頌維摩經

淨名一經方等時說所謂彈偏折小歎大褒圓者也
居士示疾毗耶離城鉤在不疑之地菩薩聲聞咸往
問候不是好心二千年後通庵頌出據款結案三段
不同收歸上科

跋北磻和尚語錄

北磻和尚自是甘露滅丹峯庵秀紫芝之流亞見佛

照師祖後巧盡拙出如虎揮翅
人知其一未知其二九會葛藤自揚醜惡從苗辨地
余言豈誣眼裏無筋此老受屈

跋笑翁和尚語錄

前佛後佛過塗毒鼓笑翁一笑起死學者如稻麻竹
葦若有一語隨流截流此錄即是魔說

贊跋終

偈頌

彌勒大士二月八生

契此老翁無記性都忘生月與生辰春風桃李
事持地年年說向人

化炭

皮膚脫盡黑黢黢猶有當時刀斧痕待入西來重點
化教伊隨處裏烟塵

雪庭

一度寒來不可禁森羅萬象盡平沈箇般西戶誰能
入著脚分明三尺深

六八十三
蜘蛛

一絲挂得虛空住，百億絲頭殺氣生。上下四維羅織了，一無漏網話方行。

示覺悟詩者

起家難似破家難，蕩盡田園出故關。佛祖三千年冷債，不消咳嗽一時還。

水茶磨

機輪轉處水潚潚，機若停時水自閑。末上一處十分春色滿，人間

浮香閣

江城夜雨滿樓臺，池上殘紅撥不開。慈氏泄善財南去未回來。

送清涼淮海和尚住萬年

潮聲忽轉石頭城，大舍峰高側耳聽。五百箇僧都不會，教他一侍巾瓶。

送夢隱和尚住淨慈

誌公有語問思大，東礪無言記夢隱。今日夢隱下山去，笑他思大舌頭長。

送廣州泰長老

老盧曾見老黃梅，一首長廊落韻詩。既是同坑無異

大川十三
土家私莫與路人知

鍼醫

藥知性亦病知源誰管屍靈骨已寒痛下一針雙眼
活耆婆應未得其傳

西隱

泥牛闖入海門關直至如今萬象閑百鳥不來春自
老柴門依舊向東山

大死

上門上戶拚窮命不覺全身墮險崖盡上
滅玲瓏八面露屍骸

送貓兒

太慈悲種小斑斑軟血功能也是閑
正不知走却屋頭山

寒衲

針鋒不露重重補線脚通時密密系放下無針無
處凍雲垂地一肩擔

起水陸堂

一漚大覺海中興十趣波濤不暫停返本還源空覺
海蒲堂風月雨初晴

幹藏

惡語重重放出門只圖一箇不知恩三千年事難遮
覆動便隨人脚後跟

示若臨侍者

一思面門摘不斷放下重新買草鞋有路莫行無路
入照顧渾家落險崖

在庵

世間幾見劫灰飛老屋依前對落渾四大部洲都
歷到頭還向此中歸

樵屋

鬻薪無價嶺南歸尚有兒孫在翠微

別離離荆棘惹人衣

送入游方

南有天台北五臺分明記取莫疑猜
處乞我三文買草鞋

胡桃

枝頭葉底不能藏獨脫無依未厭當一擊渾身如粉
碎不堪收拾始馨香

送日本國僧

壁觀胡僧入大梁軍傳必死活人方至今此術遍天
下航海梯山空自忙

又

大舶浮空駕浪來，頂門有眼未曾開。
南山虎口翻身出，日本生成一禍胎。

送祖達侍者

呼喚不曾離左右，大都相見一番難。
攢眉切齒歸來日，痛罵國師南北山。

枯體人我擔

一我一人裝一擔，不知出入幾胞胎。
許撞破觸體歸去來。

造龜子

病病相尋早，是遲鎖空龜子做多時。
約火後誰收眼底眉。

栢巖

苗裔忽生，崖石裂不同松檜拂雲長。
蒼蒼無葉子，落叢林也有香。

進月軒

桂輪孤朗碧天寬，簾卷清光入座寒。
底事明明人不薦，又移花影上欄干。

示資壽慧一監寺

二由一有一，莫守回首面南看。
北斗勘破末山不露。

頂玄機無著高义丰

竹谿

漱石穿崖落落隨流截流自瞞窮到不知源處風枝
雨葉蕭然

山翁

重疊春風面高低雪滿頭渠無生老相孤峻罕

刀鐻

得心應手乖毫髮心手俱亡處處通摘
鐻有相同有不相同

復古日者

試問先生蘊底術卦盤掇轉呵呵
心直至如今不得妙

示直上人雪齋

無常迅速入門款撒手懸崖末後機
屈谿邊有箇石烏龜

接待

目前來往競紛紛那箇師僧有
鐵石頭南嶽下兒孫

損窳

六度虛明不假修十穿八穴有來由霜風霰雪縱橫

入不是愁人也著愁

演史

干戈場是太平基休把英雄較是非試問長空風月周秦漢魏不曾知

惜煙

爐無獸炭坐無煙三箇柴頭只自然家醜出定應多地與重天

示圓鑑池淨明

天寬地大一圓鑑明暗色空四無前白雲祖師頂門眼

蘭亭四威儀

行崇山峻嶺失脚蹋翻古井通身

止四請

住晉朝古寺無米無鹽無醋歲歲然

十餘度

坐茂林脩竹高節虚心滿目箇箇盡是

啞舌禿

卧流觴九曲青源白家香熟三杯席地幕天不

西南北

寶陀三句

寶陀一昨來來去去撞著鰲頭風波無數
寶陀一玄聖臂擅拳打失鼻孔蒼天蒼天
寶陀一妙無人能到喫飯著衣屙屎放尿

偈頌終

小佛事

爲淨慈無極和尚

打破劒門關遍地栽荆棘無處

拈起位牌云這裏見無極和尚即未

爲下天竺閑雲信講主入壙

涅槃後有大人相盡十方空藏不得一片閑

舒千峰萬峰凜寒色便與麼去時如何土曠人稀相

逢者少

靈藏主火

一靈真性不假胞胎堆堆地瞥然東湧復西沒火迸



雷奔追不及向上更有事在靈藏主昨夜西風撼林
撼千山萬山翻貝葉

如副寺火 鐵牛小師

喚作如如早變了也如如不變十分成現聖人如凡
夫如一如無二如如副寺如不如若從如生如
生若從如滅如本不滅追隨佛祖鐵牛機
業風吹

化庵主入骨

透生死關出有無見打破虛空
露影藏身無縫塔中萬化千變

淵監寺火

淵深無涯淡白浪翻空立撼動星
勝熱婆羅門點頭須彌燈王不

源上座火

道之有源涓鹿奔陽燄道之無源日中逃影
其源不受方便平地上浪激千尋虛空裏星飛火

通上座火

宗通說通關山萬重一句不相到打破太虛空入得
南山爐鞴住得虎穴魔宮熨斗煎茶鉏不同
行者淨清火

清淨行者不入涅槃死在者裏南山爲汝點化擲下
火云美玉精金無定價

小佛事終









